

大方廣佛華嚴經卷第十一

戎一

唐罽賓國三藏般若奉 詔譯

入不思議解脫境界普賢行願品

爾時善財童子於居士所聞此甚深解脫門已思惟修習決定無間浮彼福德海淨彼福德田趣彼福德津仰彼福德山開彼福德藏轉彼福德輪觀彼福德法植彼福德因生彼福德力增彼福德勢長彼福德心悟彼福德門漸次行詣師子宮城周徧推求寶髻長者見在市中遠即頂禮遶無數市合掌前立白

言聖者我已先發阿耨多羅三藐三菩提心而未知菩薩云何學菩薩行云何修菩薩道善哉聖者願爲我說諸菩薩道我乘此道趣一切智爾時長者執善財手將詣其家示其所居告善財言善男子汝且觀我所居舍宅爾時善財即徧觀察見其舍宅廣博嚴麗於其四面各開二門間浮檀金之所合成白銀為牆周帀圍遶玻瓈為殿雜寶莊嚴紺瑠璃寶以爲樓閣碑碣妙寶而爲其柱塔墀軒檻戶牖窓闌靡不咸以衆寶所成百千種寶莊

嚴校飾碼碯寶池香水盈滿四面欄楯各以真珠雜寶樹林周徧行列赤珠摩尼爲師子座阿僧祇寶間錯莊嚴毗盧遮那摩尼寶三以爲其帳於其座前左右建立光焰熾盛摩尼寶幢雜色光明如意珠王而爲其網以覆其上於其宅內有大樓閣高十層級層開八門善財入已次第觀察見最下層施以種種上味飲食見第二層施諸寶衣及衆財物見第三層普施一切寶莊嚴具見第四層施諸殊女言辭善巧隨意眷屬并所受用上妙珍

寶見第五層五地菩薩雲集其中爲安衆生演說妙法諸所施爲無非利樂成就如來最勝論者陁羅尼門諸三昧海及諸世間種種明智光明印行見第六層有諸菩薩皆已成就甚深智慧了達法性得大總持三明六通皆悉具足入普藏門出障礙境住不二法現佛威儀於不可說妙莊嚴海道場衆中而共集會各以異名分別顯示般若波羅蜜門所謂寂靜藏般若波羅蜜門善巧分別諸衆生智般若波羅蜜門不可動轉般若波羅蜜門

離欲光明般若波羅蜜門不可降伏藏般若
波羅蜜門照衆生輪般若波羅蜜門隨順放
網般若波羅蜜門功德海藏般若波羅蜜門
普眼捨得般若波羅蜜門入無盡藏隨順修
行般若波羅蜜門入一切世間無盡方便海
般若波羅蜜門入隨諸世間一切教海般若
波羅蜜門無礙辯才般若波羅蜜門隨順衆
生普照無礙般若波羅蜜門離垢光明般若
波羅蜜門常觀宿緣而布法雲般若波羅蜜
門說如是等百萬阿僧祇般若波羅蜜門徧

不可說道場衆會顯示莊嚴甚深智慧見第
七層得如響忍諸菩薩等充滿其中以方便
智分別演說諸出離門悉能聞持一切如來
所說正法見第八層得不退轉神通智力無
量菩薩共集其中以微細智觀諸世間知諸
佛刹道場衆會如幻如焰如影如像無有實
性見諸如來無分別境現一切佛普偏色身
能以一音偏十方界其身普詣一切道場盡
於法界靡不周偏普入佛境普見佛身普能
受持一切佛法普於一切佛衆會中而爲上

首演說法要見第九層一生所繫諸菩薩衆於中集會見第十層一切如來充滿其中從初發心修菩薩行超生死輪成大願海具勝神通得勝自在以勝威力淨佛國土殊勝莊嚴普現十方道場衆會演說正法乃至示滅盡未來際調伏利益化度衆生如是一切悉使明見爾時善財見如是等奇特事已白言聖者昔於何處種何善根獲如是等殊勝果報致此一切清淨衆會長者告言善男子我念往昔過佛刹極微塵數劫有世界名種種

色莊嚴輪佛號無邊光圓滿法界普莊嚴王如來應供正徧知明行足善逝世間解無上七調御丈夫天人師佛世尊與百千億聲聞衆俱智毗盧遮那而爲上首復與百千億菩薩衆俱智日威德光而爲上首時彼國王名法自在佛受王請入摩尼幢莊嚴園中我於衢路奏妙樂音燒一丸香而以供養由彼如來與諸菩薩及聲聞衆受我供故今此香煙起大香雲普徧虛空而爲蔭蓋於闇浮提七日七夜普雨種種無邊衆色衆生身相微妙

香雲又令樂音出生種種美妙音聲普偏虛空演出如來不可思議三世無礙廣大智聚令其聞者除滅一切煩惱垢障增長一切真實善根速疾圓滿一切智智普能發起種種神通我時以此供養善根迴向三處一願永離貧窮困苦二願常見諸佛菩薩三願恒聞諸佛正法由是因緣故獲斯報善男子我唯知此菩薩無障礙願普偏莊嚴福德藏解脫門如諸菩薩摩訶薩得不思議功德寶藏出不思議無量功德入無分別如來身海蔭無

分別無上法雲修無分別功德助道起無分別普賢行網證無分別三昧境界等無分別菩薩善根住無分別如來所住見無分別三世平等於一切劫不生疲厭住不可壞普眼境界自在之地而我云何能知能說彼功德行善男子南方有國名曰藤根其國有城名普偏門中有長者名爲普眼汝詣彼問菩薩云何學菩薩行修菩薩道時善財童子頂禮其足遶無數帀殷勤瞻仰辭退而去爾時善財童子於寶髻長者所聞此解脫已深入諸

佛無量知見安住菩薩無量勝行了達菩薩無量方便希求菩薩無量法門清淨菩薩無量信解明利菩薩無量諸根成就菩薩無量欲樂通達菩薩無量行門增長菩薩無量願力建立菩薩無邊勝幢發起菩薩無邊智慧證得菩薩無邊法光普入菩薩無邊大會於菩薩法決定無疑趣求菩薩清淨解脫住菩薩心深信愛樂隨順作意漸次前行至藤根國處處尋訪彼城所在雖歷艱難不憚勞苦身無疲倦心無厭退但唯正念善知識教願

常親近承事供養偏策諸根離衆放逸於善知識心恒愛樂然後乃到普偏門城百千聚落周匝圍遶其城廣大種種莊嚴雉堞崇峻衢路寬平市列百工貨多珍異往來委輸人物可觀爾時善財於彼城內推求尋覓長者所居人咸報言住市肆中鬻香藥處聞已往詣見其處在香臺座上即前禮足合掌而立白言聖者我已先發阿耨多羅三藐三菩提心而未知菩薩云何學菩薩行修菩薩道長者告言善哉善哉善男子汝已能發阿耨多

羅三藐三菩提心善男子我昔曾於文殊師利童子所修學了知病起根本殊妙醫方諸香要法因此了知一切衆生種種病緣悉能救療所謂風黃痰熱鬼魅蠭姦乃至水火之所傷害如是一切內外諸疾品類無邊我悉能於一念之中以種種方藥如法療治咸令除差施其安樂如是法門汝應修學善財復言聖者我問菩薩所修妙行云何說此世俗醫方長者告言善男子菩薩初學修菩提時當知病為最大障礙若諸衆生身有疾病心

則不安豈能修習諸波羅密是故菩薩修菩提時先發療治身所有疾菩薩復觀一切世界所有衆生營辦事業受於欲樂乃至出家精勤修習得聖道果皆因國王王之理化要因無病何以故以諸人王是諸衆生安樂本故菩薩起化先療國王次治衆生令無患者然後說法調伏其心善男子菩薩若欲治諸病者先當審觀諸病因起品類增損無量無邊我今為汝說其少分善男子一切衆生因四大種和合為身從四大身能生四病所謂

身病心病客病及俱有病言身病者風黃瘦
熱而爲其主言心病者顛狂心亂而爲其主
言客病者刀杖所傷種作過勞以爲其主俱
有病者飢渴寒熱苦樂憂喜而爲其主其餘
品類展轉相因能令衆生受身心苦善男子
如是衆病貧賤人少多勞役故富貴人多過
優樂故善男子一切衆生皆以無量極微大
種聚集成身猶如大海衆微水滴如是人身
毛及毛孔各三俱胝三俱胝蟲之所依住以
是諦觀皮膚穿漏兩眼睛肉手足掌中脂膏

集處毛蟲不生其餘身分間無空闊善男子
又觀此身唯五大性何等爲五所謂堅濕煥
動及虛空性所言堅者所謂身骨三百六十
及諸堅礙皆地大性凡諸濕潤皆水大性一
切煖觸皆火大性所有動搖皆風大性凡諸
竅隙皆空大性然彼四大皆多極微於虛空
中互相依住極微自性微細難知除佛菩薩
餘無能見善男子如是五大和合成身如世
倉篋終歸敗散如是身器由業所持非自在
天之所能作亦非自性及時方等譬如陶師

延埴成器內盛臭穢彩畫嚴飾誑惑愚夫又如四蛇置之一筐如是四大和合爲身一大不調百一病起是故智者應觀此身如養婬蛇如持坏器善男子汝復應知內身外器皆四大成從始至終五時流變云何外器五時流變謂盡虛空十方世界衆生所感妄業所持劫初成時八壽無量自然化生無我我所次食段食貪等現行次由我所共立田主以爲統御次壽漸減乃至十年由惡業故起小三災至第五時世界將壞火災既起梵世皆

空水災風災相續亦爾善男子是名外器五時流變云何內身五時流變謂嬰孩位心無分別如劫初時人無我所次童幼位能辯是非如第二時立自他別次壯年位縱貪嗔癡如第三時共立田主次衰老位衆病所侵如第四時壽等損減次至死位身壞命終如第五時世界壞滅是名內身五時流變善財白言聖者如是五時因何而起普眼告言善男子時無自體分別所成隨妄業輪循環無際如人睡覺則名初時從初剎那及恒剎那次

名臘縛牟呼粟多晝夜年劫時多差別或約一歲分爲六時所謂春時熱時雨時秋時寒時雪時是故智者知病增損善達方域所有諸時謂春雪時痰癥病動於熱雨際風病發生於秋寒時黃熱增長物集病者隨時增長^{卷一}善男子我今爲汝已說諸病隨時增長如是身病從宿食生若諸衆生能於飲食知量知足量其老少氣力強弱時節寒熱風雨燥濕身之勞逸應自審察無失其宜能令衆病無因得起善男子我此住處常有十方一切衆

生諸病苦者來至我所而求救療我以智力觀其因起隨病所宜授與方藥平等療治普令除差復以種種香湯沐浴上服名衣瓔珞莊嚴施諸飲食及諸財寶珍玩資具皆悉與之咸令充足然後各爲如應說法令其永斷心病煩惱所謂爲諸一切貪欲多者教不淨觀瞋恚多者教慈悲觀愚癡多者教其分別種種法相等分行者爲其顯示不淨慈悲或畧中廣殊勝法門如是隨應斷諸煩惱爲欲令其發菩提心稱揚一切諸佛功德爲欲令

其起大悲心願示生死無量苦惱爲欲令其增長功德讚歎修習無量福智爲欲令其發大誓願稱讚謫伏一切衆生爲欲令其修普賢行說諸菩薩住一切刹於一切劫修諸行網爲欲令其具佛相好莊嚴色身稱揚讚歎檀波羅蜜爲欲令其得佛清淨無垢法身稱揚讚歎尸波羅蜜爲欲令其得佛功德不思議身稱揚讚歎忍波羅蜜爲欲令其獲於如來無能勝身稱揚讚歎勤波羅蜜爲欲令其得佛清淨無與等身稱揚讚歎禪波羅蜜爲

欲令其得佛究竟平等法身稱揚讚歎般若波羅蜜爲欲令其得佛普現差別色身稱揚讚歎方便波羅蜜爲欲令其爲諸衆生住一切劫心無厭倦稱揚讚歎願波羅蜜爲欲令其普現其身嚴淨一切諸佛刹土稱揚讚歎力波羅蜜爲欲令其現清淨身隨衆生心悉仗歡喜稱揚讚歎智波羅蜜爲欲令其獲於究竟最勝淨妙無染著身稱揚讚歎永離一切諸不善法迴向諸佛一切善法如是種種廣以財法施諸衆生悉滿所願各令受化歡

喜而去善男子我又善知和合一切諸香要法所謂無等香王香頻頭薩哩多香王香無能勝香王香種種覺悟香王香阿縷擎糲低香王香隨身所欲出生香王香隨時堅細栴檀香三香龍勝堅固栴檀香王香堅黑沉水香王香不動諸根香王香如是等香悉知處功能勢力及其貴賤調理之法善男子我持此香以爲供養普見諸佛承事供養歡喜法門如諸菩薩摩訶薩如大藥王若見若聞若憶若念若同住若共行若稱名若隨喜皆獲利益無空過者若有衆生暫得值遇必令銷滅一切煩惱

一香出無量香徧滿十方一切法界一切如來道場海中化爲種種香宮殿香垣牆香樓閣香欄楯香却敵香門戶香窓牖香半月香羅網香形像香圓光香嚴具香光明香雲雨香幢香帳香旛香蓋莊嚴十方一切法界處處充滿以爲供養善男子我唯知此令一切衆生普見諸佛承事供養歡喜法門如諸菩薩摩訶薩如大藥王若見若聞若憶若念若同住若共行若稱名若隨喜皆獲利益無空過者若有衆生暫得值遇必令銷滅一切煩惱

惱入於佛法離諸苦蘊永息一切生死怖畏
到無所畏一切智處摧壞一切老死大山安
住平等大涅槃城而我云何能知能說彼功
德行善男子於此南方有一大城名多羅幢
彼城有王名甘露火汝詣彼問菩薩云何學
菩薩行修菩薩道時善財童子禮普眼足遶
無數帀殷勤瞻仰一心戀慕辭退而去爾時
善財童子於普偏眼善知識所聞說菩薩能
令眾生普見諸佛歡喜法門隨順憶念心心
相續歡喜踊躍作是思惟善知識者以善方

便能攝受我以深重心能守護我令我於河
轉多羅三藐三菩提得不退轉如是專念生
淨信心欣慶心怡悅心調順心勇進心寂靜
心廣大心莊嚴心無著心無礙心得心自在
心常作心師心善巧分別心普生衆行心隨
聞解法心徧往佛刹心見佛莊嚴心恒不離
佛心專求十力心一向無退心漸次前行經
歷國邑村營聚落然後乃至多羅幢城處處
尋求見王方便于時遇有多聞多解諸婆羅
門在於四衢談論世法善財往問云何得見

甘露大王時彼多智大婆羅門問善財言仁從何來何所求請欲見我王白言我從藤根國來普眼長者教我獲得歡喜法門令我來此求見大王請問菩薩行菩薩行婆羅門言彼藤根國安隱豐樂仁之色相德慧莊嚴捨彼來此必獲利益以仁大智必見我王仁且安坐聽我所說我王恒居寶嚴正殿坐勝摩尼師子之座頒行正法成就衆生善財復言何故大王名甘露火答言我王具足七支行中道化治罰惡人銷其過犯猶如烈火安攝

善人與其快樂譬如甘露以是慈悲平等教化增其壽命心無厭足故我國人美王盛德歌讚王猷咸稱我王爲甘露火我王復以種種方便調御衆生決其諍訟撫其孤弱卹其惄獨遂其勝行皆令永斷十不善業正修十善如轉輪王所行之法善財復言云何名爲具足七支行中道化答言審聽當爲言宣說七支者一有君德天下仰戴如人之首二有輔臣左右忠良如人之臂三有國境寬富包容如人之腹四有險固囊結萬方如人之齧

五有倉庫財食充盈所往無難如人之勝六
有兵威士馬精銳制動由己如人之脰七有
隣境貢賦以時往復王命如人之足復有二
法能持七支一謂威勇二謂智謀二德相資
如人目足七支依住正教施行所向皆從靡
不流布如山出雲如地持物澤潤卉木德被
黔黎由是四海皆遵聖化支德互闕如車隻
輪如鳥一翼決定不能翔空致遠我王咸具
名稱普聞仁復當知我國大王成就九法能
轉王輪何等爲九一德伏四隣自修藏貢二

貢賦不入恩信感之三感之不從說其君臣
令相疑阻四彼或革心君臣異議說使和同
令歸聖化五善說不聽王師討伐六觀彼主
率將德有無七審其寡德議其城守八知彼
牢城料兵強弱九自揣國中人和兵悅我國
大王具此九法慧眼常明照瞻一切是故八
表咸歸正化自求臣屬永不退還譬如衆流
朝宗於海皆同一味無有異心仁者當知我
國大王奉事多佛是大菩薩具大慈悲應現
人間覆育群品知諸衆生應漸調伏先宣王

法漬潤其身究竟令其心得解脫是故我王
有二聖德何等爲二一者內德種族真正仁
慧深遠二者外德如上畧明後當廣說善財
白言云何內德願爲說之答言仁者我國大
王種族尊勝嫡嗣承襲歷代相傳入胎處胎
成一十三諸天護念出胎已後乃至受位福慶交至萬
國歡娛聖德日躋博聞強記仁智孝友恭慈
惠和聽視聰明具諸慙愧有具足力身無眾
患全垢忍辱心無卒暴尊賢重德哀愍庶類
於己財位恒知止足於他危難常思救護善

攝五根不縱情志辯才無礙能師子吼發言
誠諦離諸愛恚善解世間殊音異論威儀整
肅人咸畏敬慰諭輔臣撫育黎庶憐愍衆生
等心無二察人詞色悉知其心見象馬形亦
知善惡於有恩德報復無疲於怨惡人善巧
將護行達城邑端坐車中審諦自心無内外
顧依時出入以慰國人有或不順返還王命
酷害王民動作非法先以善言如法開示格
逆從順王必慈恕依所領處不減不奪亦不
驅擯聞命不悛當加討罰尅敵制勝務在安

人是故我王善稱遐布仁者當知居俗日夜分爲八時於晝與夕各四時異一時中又分四分通計日夜三十二分以水滿中定知時分晝四時者自鷄鳴後乃至辰前爲第一時辰初分後至午分初爲第二時午中分後乃至申前爲第三時申初分後至日沒前爲第四時於第一時日未出前爲初二分日出已後乃至朝畢爲後二分如是四分名日初時我王精勤不著眠睡於夜四時二時安靜第三時起正定其心受用法樂第四時中外

思庶類不想貪瞋自晝初時先嚼楊枝乃至祠祭凡有十位何者爲十一嚼楊枝二淨沐浴三御新衣四塗妙香五冠珠髮六油塗足七擇革屣八持傘蓋九嚴侍從十修祠祭善財問言云何大王每自晨朝要嚼齒木乃至祠祭然後臨朝答言仁者世界增長要因於王王欲理人先自理身以身安故心意和平神清體和布化無爽是故我王先嚼楊枝乃至祠祭又此十事一一能生十種功德初嚼楊枝具功德者一銷宿食二除疾癘三解衆

毒四去齒垢五發口香六能明目七澤潤咽喉八脣無皴裂九增益聲氣十食不爽味晨朝食後皆嚼楊枝諸苦辛物以爲齒木細心用之具如是德復次我王香水沐浴具十功德一能除風二去魑魅三精氣充實四增益壽命五解諸勞乏六身體柔軟七淨除垢穢八長養氣力九令人瞻勇十善去煩熱復次我王御新淨衣具十功德一增長吉祥二行步適悅三眷屬愛敬四處衆無畏五安樂身心六能益壽命七淨無塵垢八名稱遠聞九

賢聖讚念十一切讚歎復次我王金諸妙香具十功德一增益精氣二令身芳潔三調適溫涼四長其壽命五顏色光盛六心神悅樂七耳目精明八令人強壯九瞻覩愛敬十具大威德復次我王冠妙珠鬘具十功德一勝福日增二殊珍自至三顏色充悅四辯才清暢五具足吉祥六身心無惱七吉慶恒集八益其壽命九具大瞻勇十奉勸歡喜復次我王足塗香油具十功德一能除風疾二身心輕利三耳目聰明四增益精氣五念無忘失

六減省昏睡七眠夢吉祥八延其壽命九除諸垢穢十不生衆疾復次我王擇妙革屣有十功德一足趺柔軟二身觸輕安三行步有方四益其精氣五舉止安詳六增長壽命七威儀整肅八左右歡喜九形相端嚴十諸臣敬畏復次我王侍衛持蓋具十功德一威嚴尊重二顏色鮮明三露行去熱四不犯風塵五能遮雨濕六不視無福七衆人敬畏八身得安寧九益壽增氣十清淨光華復次我王莊嚴侍衛具十功德一威儀嚴整二令人敬

畏三增王瞻勇四佐王威勢五降伏惡人六天神自衛七禁禦暴獸八舒暢王意九邪魅不侵十行王教令如是莊嚴眷屬固遠故我大王如御駕馴檢察前後調息自他寬猛合度剛柔稱適如大舶主統領諸船隨有穿漏應時補塞奉侍王人內官婢女耆德耄齒監守王宮妍貌壯年令其侍衛或前行導引燒香燃華次見鼓樂歌詠讚數種種莊嚴或倚從王行執扇持拂塗香衣服衆妙資具隨時受用靡不備足如是導從以候王心

大方廣佛華嚴經卷第十一

也第市經切延埴延式速切埴基職
固也切延埴切延埴和紹土也篋
打箱坏錦杯切未燒瓦器也頻頭薩哩多香王香
其智色赤如初流以初此
如同繆擎祇氏香王香日色潤流以初此
爲龍勝堅固栴檀香玉香梵音爲洛迦
香波羅香也
切懸渠營切脛部禮切脛
獨也
脚脛形定切
脚脛也

一六

十六

音釋

階墀階古諳切陞也墀牖音
直墀切塗池曰墀牖木爲交窓也
他蓆切宮中欄檻欄卽于切均補也
小門曰闔欄檻橫豎尹切閑檻也
刃畏雉堞雉堞徒協城莊也五版爲鬻
也賣蠱毒蠱公戶切
也賣蠱蟲毒也
也賣蠱蟲也

窓隙陳窓諸平切
也賣蠱蟲也
也賣蠱蟲也
也賣蠱蟲也
也賣蠱蟲也
也賣蠱蟲也
也賣蠱蟲也